



Mlara President Thomas S. Monson

Ngii A Mla Mekiis!

Sel bechachau el debull er sel kot el tutau er a Easter a mle nger er a keril a Job, "A chad a lemad, eng sebechel muut el mo chad?"

Tiang a tara kmal klebokel el ongdibel. Me a kumtechei er tirkel milngedmokl el kirel, tirkel milngedecheduch me a rul-ngerachel a chelitakl, e ngak el President er a Ikelesia, a kmal di mo kmung a erul tekoi lekor kemiu er chelechang, el ngii a kmal meklou a belkul tekoi er a Merikel. Meng mora Sister Cheryl Lant me a recoun-selors er ngii, rechad er a chelitakl, me a remilngedecheduch, ea ikal tekoi a kmo "Ko Mesulang."

Betok el rak ra memong ra kngara London, England, eak mlo oldingel er a tara merael chisel blil a sunga el Tate a ngklel. A urerel a Gainsborough, Rembrandt, Constable, me a rebebil er a merael chesir el chad er a sunga a mlara chesl tial basio. A kmal chemat a urerir e mechas a renguk er a kldachelbai er tir el meruul aikal sunga. A ngara tial kora moeuekl er

a ongedei el chellibel, a sunga, el uaia letilab osengek er ngii e dirrek el kmal rirtechii a renguk. A chad er a sunga el, Frank Bramley, a mla luchesii a kmal klebokel el blai el chemau a daob. Terul redil, el chedil me a buch er a chad el mlora omenged, a mengiil er a luut er ngii er a kereker. Chelechang eng mla engelakl a iilkolk, ete mocha omda-sou el kmo ng locha mla remiid er a kereker e dikea luut el mei. Me ngikal redil outubaruach er bitar ngikal delal a bechil, ea bdelul a ngara bebul ochil, e ngikal buch a medidelangel el meknngit a rengul. Tial kandalang el ngomeda kerdel a olchotel a kmo te kmal meketeke-tang el mengiil a di klsuul.

Ak mlo melchesuar a ringel el lengarngii ngikal ngeasek el buch. Ak mlo melchesuar a klengit el reng lengarngii. Sel kmal lochotii a klen-git el reng aikal llechukl el ngara tial

sunga el lochotii a klou el klengit el reng el cheldechecuh, Ng kmul kmo, *A Hopeless Dawn*.

Meng merang, el ngikal ngeasek el dil a ousbech, a klemerang el tekoi, el tekingel a chad er a omeluches el Robert Louis Stevenson "Requiem":

*Ng mla me remei a chad
lulmekall er a daob, remei
er a blil el mlara daob,
Me a chad er a boes a mla me
remei el mlara ked.¹*

Me a ikel rokui el klemerang el kirel a klengar er tial beluulechad, eng diak a medengeli a ulebengelel. A kodall a mora rokui; ele ng "blin-gelel a rebekel chad; ng sebechel subechii er a tolechoi malechub a ngeasek, [ng sebechel mei] er sel kmal klungioel a klechad, malechub eng duubech sel demechudelang el mla tmuchel a ubel; ng sebechel du-ubech el aksident malechub eng secher a uchul...malechub eng du-ubech el kmo ngerang a uchul; eng di kodall a kirel mei."² Ng kmal lobengkel a klou el ringel, loumesingd er ngii sel ngeasek a chad, el di tomall a urunguled, diak el mekedmokl aikel mle soad, me a urunguled el di mo nguemed.

A chad el mo chelbangel er a kodellel a betik er a rengul malechub, e ngii, a medengei el kmo ngii meng mora kodall, a dirkak bo lolbedebek el kmo ngera duubech ruriul er a kodall el ngii a uaia leklil sel desang me sel diak desang?

Telael rak ra memong ea Job— el kmal mle ngeltengat er a rokui el tekoi, a mlo metik er ngii el

chelebangel aikel rokui el ringel el sebechel duubech el mora chad—meng mlo dengchokl ngii me a kldemel e dulang, el oker er a ker, “A chad a lemad, e ngelmuut el mo ngar?”³ A Job a milngedecheduch er sel ngii a ker el rokui el chad a mla melbedebek er ngii.

Me sel klebokel el tutau er a Easter eng soak el melbedebek er sel keril a Job—“A chad a lemad, eng sebechel lemuut el mo ngar?”—e meskemiu a nger el diak di luld-suek ng dirrek el ngara ocholt er a tekingel a Dios. A kumuchel er a ikel meklou a belkul.

Alekum e ngarngii a blebelel tial beluulechad el de kiei er ngii, eng kirel ngarngii a Ulemeob. Ng techa sebechel mes aikal betok el ongasireng el teletael e diak bo loumerang el kmo ngarngii a ulemeob er a rokui el chad? Ng techa oumededenger el kmo ngarngii a Ulemeob?

Chelsel a babier er a Genesis e kede suuebii el kmo ngkel Mesisiich el Omeob a milebii a eanged me a chutem: “Ele beluulechad a dimlak a teletelel, e bechachau; ea iilkolk a, ilchelchebii ngii el klou el daob.”

“Le bor ngii a llomes,” ngkal Mesisiich el Omeob a dilung, “meng mlor ngii a llomes.” Le bor ngii a melidiul. Meng iileklii a chutem me a ralm e dilul kmo, “A beluu bol mokdubech a bekel bedengel a del-lomel...me a ourodech el kerekar, el outane.”

Ngii a riruul a teblong el llomes—sils me a buil. Me a btuch meng dirrek el mileob. Ng dirrek el ulemekedong a rokui el charm er a daob me a suebek el charm el mo suebek er a bebul a beluulechad.

Ngii a riruul a betook el bedengel a turturk el charm, me a rokui el bedengel a meklou me a mekekerei el charm. Tial blebelel a beluulechad a kmedul mo merek.

Sel ulebongel er ngii el rokui, e Ngii a milebii a chad el diuaia Ngii—sechal me a redil—e milsterir a derreder er a rokui el tekoi el ngara beluulechad.⁴

A chad a ngilai a llomes—bdelul, uldesuel, me a rengul. A chad, lolab aikaikid el teletael, a sebechel mor ngii a klaumerang er ngii me a ongillel, el kirel chedaol tekoi me a moktek er ngii.

Ng techa sebechel loumondai el kirel a chad—el ngii a chetengakl el urerel a Mesisiich el Omeob, el loba derreder er a rokui el tekoi, el ngarngii a bdelul, me a uldesuel me a rengul, loba llomes e chedaol—el kmo a klengar ngii a mora ulebongel sel sekum a reng er ngii a mor cheroid er tial bedengel?

Me sel mo uchul e kede mo medengeli a belkul a kodall, eng kired loureng a saull el kirel a moktek er a klengar. Sel telkib el klaumerang er kid a kirel medechel er a klou el llomes lokuu ocholt, el bo dodengei el kmo kid a kiliei ruchei er a demechell el mor tial beluulechad. Me sel klengar kid ruchei, e kid a mle teloi er tirkel sechal me a redil el ngelekel a Dios el uleldiu el kirel a techall el mei er tial meringel eng di ngklou a belkul el klengar er tial beluulechad.⁵ Kede mle medengei el kmo a moktek er kid a mo nguu a bedenged er a tech, e mo mesiisiich er a ongarm me a ringel, e mo ochotii el kmo kede mo oltirakl a llechul a Dios. A Demad a mle medengei el kmo

chelsel a klechad er kid er a beluulechad, e kede mo obangel ongetikaik, e ruebet er a klengit, e mo diak de klikiid. Me sel uchul eng sebeched el mosebechakl er a ikal rokui, e Ngii a milskid Osobel, el ngii a mo chemau a ringel e mo mad el kired. Ngii a diak dil bo lolangakireng el kirel a kngtid, eng di sel telengtengil tial Tngakireng, e Ngii a mo mesisiich er a kodall er a tech el kid a mor ngii el rokui el Rebetel a Adam a uchul.

Meng, betook er a erul telael rak ra memong, ea Kristo, el Osebeled, a milechell el mei er a beluulechad er a beluu er a Bethlehem. Ngkal Messiah el lusaod er ngii er a ngara mong a mla mei.

Ng diak el betook a llechukl el tekoi el kirel a klengeasek er a Jesus. Ng kmal soak sel llechukl er a babier er a Lukas: “Me a Jesus a mlo chachisois a llemesel, ea Dios me a chad a mle soal ngii.”⁶ Ea babier er a Rrellir a re Apostol, e ngarngii a kedeb el tekoi el kirel Osobel el klou a belkul: “[Ngii] a milrael el meruul a klungiaol.”⁷

Ngii a mlo metecholb er a Johanes er a omeuachel er a Jordan. Ngii a ulemekedong er a Reteruich me a Terung el Apostol. Ngii a ulemekngeltengat er a resmecher. Ng rirellii a chad el mo merael, a cheuiko a mlo omes, a mechad a mlo orrenges. Ngii a dirrek el ulekisiis a mla mad el chad meng mlo chad. Ngii a ulsisechakl, Ngii a uluchais er a klemerang, e Ngii a ulehcotii a cherrungel el okesiu el kired el oltirakl er ngii.

Ea urerel a Osobel er tial beluulechad a mocha er a ulebongel. A ulebongel el belsoil lobengterir a re Apostol er Ngii a dilubech er a chelsel

a delmerab. Ea medechel er medal a Gethsemane me a kerus er a Kolkata.

Ng diak a di kantang el chad el sebechel mo medengeli a klou el belkul sel rirellii a Kristo el mer kid er a Gethsemane. Ngii a kmal silodii tial teletael ruriul: “[A] ringel a rirellak, ngak el Dios, el mesisiich er a rokui, el mo omritel el ringel a uchul, ea rsechek a milchubel, e mlo ra ringel a bedengek me a renguk.”⁸

Oeak kullel sel ringel er a Gethsemane, el dikea klisichel, e Ngii a ulebtoched er a mekngit, diak lomekerreu el chim e milengai el mora medal a Annas, Ciaphas, Pilate, me a Herod. Ngii a mlo telechakl e mildebeakel. A meringel el chelebed a liluut el oitechetur a bedengel. A rasech a ulengars er a medal er a mekedorm el techodulik el mlora bdelul, el tilengdii a bebul a bdelul. E solang e liluut el mengai el mora medal a Pilate, el ngii a mlo kongei a tekingir a remekngit el chad el kmo: “Bol mekerus, bol mekerus.”⁹

A bedengel a miltemall er a meringel el medecherecher el chelebed. E mekiis e merael, el mesesibas el di Ngii el mengol er a kerus er Ngii el mol dikea el sebechel merael me a tara chad a mlo sobechecklii er tial berraod.

Ea ulebongel, er a ked er a Kolkata, e tirkal chedal el diak el sebecherir el mekerang omes, e tial telemall el bedengel a mildeel er a kerus. Meng dimlak a klechubechub e Ngii a mlotuub e mildebeakel. E Ngii a dilul kmo, “Chedam, mousubes er tir; leng diak lodengei loruul.”¹⁰

Aikel sikang er a ringel a mocha merek el klengar Ngii a mocha er a

ulebongel. E Ngii a dula el kmo, Chedam, a reng er ngak bel siseb er a chimam: “meng di dilu el uaisei, e mad.”¹¹

Me tial teletael er a klechubechub el kodall el Ngii a mocha ikrii a klen-git el reng er tial beluulechad, e Ngii a liluut el mora rengedel a Demal.

Sel kmal mlo ulebongel, eng mle sebechel a Mastang el lobult. Eng di Ngii a dimlak lobult. Ngii a mlo mesisiich el oeuekel a rokui el tekoi me luchul e Ngii bo losobel a rokui el tekoi. Tial bedengel a mlora debull.

Ng diak a ngodech el tekoi er a chelsel chedaol llechukl er a re Kristiano el meklou a belkul el mer ngak er a ikel tekingel a anghel el mora medidelangel el Mary Magdalene me ngkel tara Mary er sel taem, er a kot el sils er seikid el sandei, el lebocha er a debull el mo mangedmokl er a bedengel a Rubak. Ng dilu ngkal anghel el kmo:

“Ngera me ko mosiik er a ngar er a delongelir a re mla mad?”

“Ngii a diak el ngara tiang, ele ng mla mekiis.”¹²

A Osobeled a mla lmuut el mo ngar. Sel kot el klebokel, el meskid ongelaod, me a klemerang er a rokui el tekoi er a chelsel a reksi er a rechad a mla duubech—mo mesisiich er a kodall. Sel ringel me a klen-git el reng er a Gethsemane me a Kolkata a mla mesuld. A diak a ulebengelel klengar el mora rechad a mla moterekokl, Sel Rebetel a Adam a mla lmuut el mengai.

Me sel bechachau el debull er sel tutau er a Easter a mle nger el mora keril a Job, “A chad a lemad, eng sebechel lmuut el mo ngar?” Tirkel rokui el sebecherir el rongesak, ea kmul kmo, A chad a lemad,

eng ngelmuut el mo chad. Kid a medengei, ele kede obang a llomes er a mla mocholt el klemerang.

“Meng uaisei el chad a uchul e ngar-ngii a kodall, meng dirrek el chad a uchul e ngmei okiis er a kodall.

“Ele Adam a uchul a kodall el mora rokui el chad, eng di a Kristo uchul ea rokui a mo ngar.”¹³

Ak mla choiuii—e ngak oumerang—er sel chisel a klaumerang er tirkel milsang sel Omengerus er a Kristo me a deureng er a Okisel er a Kodall. Ak mla choiuii—e oumerang—aikel chisel a klaumerang er tirkel mlara Beches el Beluulechad el osisiu el mla mekiis er a kodall el Rubak a mlo oldingel er tir.

A kuumerang er a chisel a klaumerang er chimong, er chelechal taem, el ngii a milngedecheduch lobengkel a Chedam me a Ngalk er a oreomel el uldersii a klengar ngii, lo-chotii a klaumerang lobengkel a resechel. Ngii a dilul kmo:

Aikel rokui el klemerang el mla medung el kirel, e ngii a mlo chotii tiakid el klaumerang, el mo me ngulebongel: A Osobel a ngar!

Ele ng milsang el ngara kadikm er a Dios e rirengesii a ngor louchais el kmo Ngii a di chimong el Betik er a Rengul a Chedam.¹⁴

A iilkolk er a kodall a sebechel mo dibus lokiu a mla mocholt el klemerang. “Ngak a ngkel mla mekiis er a kodall, e ngar,” a Mastang a dilung.¹⁵ “A Budech ak beskemi, a budech er a ngak ak beskemi.”¹⁶

Chelsel aikal rak eak mla remenges a chemuiiu a betook el chisel a klaumerang er a rechad, el rechad ouchais er ngak er a olchotel a klemrang el kirel Okiis er a Kodall e mla ngmai, er a chelsel sel taem el sal ousbech er ngii, a budech me

a ongelaod el ngii a bla le yaksok Osobel.

Ak mo ouchais er a tara ikaikid el teletael. Erul sandei er a memong eak ngiluu a babilengel a chedam el teuid a rengelekel el miluuches el kirel a telungalk er ngii, e oumesingd, a ngelekel sechal er a Jason, el mle teruich me a tang a rekil e mo smecher. Aikal sesei el rak ra mederir, ea Jason a mle blechoel mesesechesecher. Ngikal chedam a uluchais er a mesisiich el rengul me a deureng er a Jason, el diak el iior er tial secherel. A Jason a ngiluu a Priesthood er a Aaron er a le teruich me a erung a rekil e mle; blechoel kerekikl a ngerchelel el kmal ungil ureor, el diak el iior er a kmong mesisiich a bedengel ng diak.” Ng dirrek el ngiluu a Eagle Scout Award er sera bol teruich me a euang a rekil.

Tial mlo merek el ulengull, el kmal dirk mlo teruich me a eim a rekil a Jason, eng liluut el mo niuing. A tara ikal odngelel mo omes er a Jason, ea demal a milsang el blutk a medal. Meng diak lodengei el kmo ngimiit a medal malechub eng di mekar, eng mocha mekekakil el mangedecheduch er a Jason. “Jason,” ngii a dilung, “Ak medengei el kmo ke kmal mla mora ringel el kirel a secherem. Meng uaisei el kmal klou a omchelebangel er ngii er medam, eng di ngkmal diak el soak a bolak a klaumerang er kau er a Jesus Kristo.” Ng kilbetiekl er a Jason er a lebok a medal el dul kmo, “Ng kmal diak!” el kmal, bleketakl oto er a ngerel. Tiaikid ea Jason a milutk a medal e mlo diak longedecheduch.

A demal a milluches: “Chelsel tial beot el teko, ea Jason a ulechoitii a

tara kmal mesisiich, e klikiid el klaumerang er a Jesus Kristo el blak rengesii... Me tial tekingel el kmo ‘Ng kmal diak!’ a mlo llechukl er a renguk er sel sils, ea renguk a mlo mui er a deureng el kmo a Demak er a Babeluades a mla omekngel-tengat er ngak el mo demal a tara kot el mesisiich e chetengakl el ngelekel sechal... [Ng uaia] ble lulebongel el taem el krengeisii el ouchais er a klaumerang er ngii er a Kristo.”

Me a telungalk er ngii a ulusbech el kmo tiang a kuk di tara ikal niuing er ngii, eng di a Jason a mlo smecher er a kmeed el erul sandei ruriul. A obekul me a ochedal a mlara mission er tial taem. A tara ochellel el, Kyle, a kmal dirk ngiluu okedong er ngii el mora mission. Tial okedong, a uaia blel telkib el mereched el mei, me sera eim el kebesengil a Ongeai el buil, el tal sandei eruchei er a bol secher a Jason, e tial telungalk a mlo iiliuekl er ngii er a ospitar me bol seichel tial okedong er a Kyle el mora mission bol mechuiiu el mor tial rokir el telungalk.

Chelsel tial babilengel mer ngak, e ngikal chedam a uldekiar a siasing er a Jason el ngara tial bet er ngii er a ospitar, lobengkel ochellel er a Kyle el dechor bitar ngii, el orreked er tial babier er a okedongel mora mission. Tiakid el teko a mle llechukl er eungel tial siasing: “Dmak el mokedong el mora mission—er a ikal teblong el beluu.”

A ochellel me a ochedal a Jason el mlara mission a uledurokl a klebokel, el mengelaod a reng el babier el mora telungalk er tire r sel kemeldiil sils. A ochedal, el ngara mission er a Argentina Buenos Aires West Misiion, a milluches, el kmo:

“Ak medengei el kmo a Jesus Kristo a ngar, e Ngii el ngar a uchul, e kid el rokui, luldumukl er a ochedak er a Jason, a lmuut el mo ngar... Aki mo melchesuar ongelaod reng er a klemedengei er kemam el kmo aki mla moak longalk el mora diak a ulebengelel... Alsekum ea ki kmal bo blak a rengmam el oltirakl a llach e meruul a ungil er tial klengar, ea ki lmuut el mo [mesang].” Ng mille-molem el kmo: “[A] bades ra chedaol llechukl el kmal mle soak a mocha klou a belkul er chelechal taem... [Ngara] Ocholt er a lluch me a tang el bliongel, er a ongeuang el bades: ‘Ea Dios a mo smuld a chiuosech er a mederir; e mo diak el luut el ngarngii a kodall, malechub a klengit el reng, malechub a langel, malechub e leborngii a ringel: ele ikel dimla teletael a mla mo diak.’”

Kemiu el betik er a renguk el odam me a rodos, me sel taem el desal ngara dmolech el klengit el reng, eng sebeded el metik er a mesisiich el budech er a ikel tekingel a anghel er sel tutau er a Easter: “Ngii a diak lengara tiang: ele ngii a mla mekiis.”¹⁷

Ngii a mla mekiis! Ngii a mla mekiis!

Mouchais loba ngor er a deureng.

Ngii a mla mekiis er chelsel edei el klebesei el kellebus;

Me a rokir el beluulechad bol ngara deureng.

Ng mla mo mesisiich er a kodall; a chad a mla mo mimokl.

*A Kristo a mla mo kats er a iilmokl!*¹⁸

Me ngak el tara tokubets el sioning

er Ngii el ngara beluulechad er chelechal sils, e tial klebokel el Easter Sandei, ea kmul kmo tiang a klemerang, el ngara chedaol Ngklel—el ngii a ngklel a Jesus Kristo, el Osobeled—amen.

ULEKLATK

1. Robert Louis Stevenson, “Requiem,” ra *An Anthology of Modern Verse*, ed. A. Methuen (1921), 208.
2. James E. Talmage, *Jesus the Christ*, 3rd ed. (1916), 20.
3. Job 14:14.
4. Mesang a Genesis 1:1–27.
5. Mesang a Job 38:7.
6. Lukas 2:52.
7. Rrellir a re Apostol 10:38.
8. Doctrine and Covenants 19:18.
9. Lukas 23:21.
10. Lukas 23:34.
11. Lukas 23:46.
12. Lukas 24:5–6.
13. 1 Korinth 15:21–22.
14. Doctrine and Covenants 76:22–23.
15. Johanes 11:25.
16. Johanes 14:27.
17. Mateus 28:6.
18. “He Is Risen!” *Hymns*, no. 199.

Osisechakl el kirel Chelechal Taem

Asuobel er a Melchizedek Priesthood me a Relief Society er sel ongeuang el sandei a kirel a “Osisechakl el kirel Chelechal Taem.” A derstang el suo- bel a sebechel mekedmokl er a chi- mong malechub eng betook er a ikel cheldecheduch er sel dirk mlo merek el klou el ongdibel. A re- merreder er a Stake me a district a sebecherir el melilt el kmo ngerang el cheldecheduch a bo lousbech, malechub ete nguu tial ngerachel el mesterir a rebisop me a remerred- er er a branch. A roungerachel a kirir meketeklii el mora robang a Priesthood er a Melchizedek me a rengara Relief Society meng kirir el mesuub er a osisiu el cheldecheduch er a osisiu el Sandei.

Tirkel ngara klas sel ongeuang el Sandei a kirir el suuebii a suobel e nguu sel dirk tilobed el babier er a ikel cheldecheduch er a chelsel a klou el ongdibel el mora klas.

Uldasou er a Kedmekel a Suobel el ngara ikal Cheldecheduch

Moluluuch me a Chedaol Reng bo lobengkem sel mosuub e molisechakl aikal cheldecheduch. Ke locha mo soam el mo mengedmokl er a suobel

lousbech a kuk bebil er a klekedall, eng di a cheldecheduch er a chelsel a klou el ongdibel a mla moterekokl el babier er a osisechakl. A ngerchelem a ngosuterir a rebebil el suuebii e mo oltirakl er a ebangkelio el ngii a mla mosisechakl er a dirk mlo merek el klou el ongdibel er a Ikelesia.

Mluut el mesuub aikal cheldecheduch, lomes aikal llach me a osisechakl el ngii a mo ngosu- terir tirkal chad el ngara klas. Dirrek el mosiik a cheldecheduch, bades ra chedaol llechukl, me a tekoi er a chelsel aikal cheldecheduch el ngo- sukau el mo olisechakl aikal kle- merang.

Mrellii a blechebechel a suobel el kirel a kmo ng mekrang a bo molisechakl aikal suobel me a osisechakl. Tial blechebechel a suo- bel a kirel uldimukl er ngii aker el mo ngosuterir a rengara klas.

- Momes aikel llach me a osisechakl el ngara tial klumech.
- Momdasou a belkul.
- Mkauchais omodengei, uldasou, teletael mla duubech, me a olchotel a klaumerang.
- Mo oltaut aikal llach me aosisechakl er a klengar tir.

BUIL	KLEKEDELLEL A SUOBEL ER A ONGEUANG EL SANDEI
May 2010– October 2010	Cheldecheduch el milluches er sera May 2010 <i>Liahona</i> *
November 2010– April 2011	Cheldecheduch el milluches er a November 2010 <i>Liahona</i> *

© 2010 Iokiu a Intellectual Reserve, Inc. Urrekodel a rokui el klesiich. Milluches er a USA. Kengei er a English: 6/09. Kengei er a oidel: 6/09. Oidel a *First Presidency Message, May 2010*. Palauan. 09365 881

*Aikal cheldecheduch a ngamgii (er a betook el omelekoi) er a conference.lds.org.



First Counselor in the First Presidency
Kot el Counselor er a First Presidency

Mngosuterir er a Omerollir el mo Remei

Kid a ngosuterir a rengelekel a Dios el lochotii a rael meng mo mesisiich a klaumerng er tir ra Jesus Kristo me a mla moluut el ebangkelio er Ngii sel lengeasek.

Rodam me a rodos, a Demad er a Babeluades a soal e ousbech a ngesou e rkid me a rokui el Ngelekel er a reng a lmuut el mo remei er Ngii. Ak mengedecheduch er chelechal sils er tirkel ngeasek el mla omuchel el ngara mera Ikelesia er Ngii e mla omuchel er ngara tial melemalt e chibutek l rael el lemuut el mo remei er a babeluades. Ngii a soal tir a lemereched el ngmai aikel chedaol klisiich me lolemolem el ngara tial rael. E Ngii ousbech a ngesou er kid el mereched el ngoite-terir el lemuut el mora tial rael alsekum ete mla touchakl.

Ak mle ngeasek el bisop ra lekot el mo bleketakl er ngak el kmo ngera uchul me a Rubak a soal melisiich er a rengelekel e mereched losiik er tir sel lengeasek. Ak mo ouchais er kemiu a cheldechedechal

a tal chad el ngii omtechei er a rebe- tok er kemiu el bla kulasm el olngeseu er ngii er a ikal betook el rak.

Ng dilengchokl er medak er a chelsel obis er ngak. Ng milsaod el mei er ngak el kirel a klengar ngii. Ng miltecholb e mechedaol el chad er a Ikelesia er a leai a rekil. Ng dimlak a iuechel a medal er a losaod el kirel a kmeed el lluich el rak ruriull, eng di ng mlar ngii a klengit el reng er a oto er a ngerel. Ng dilul kmo sel rael er a klengit el leblar ngii a ulemuchel er a omeliit el leblar ngii el obengterir a rechad el ngii a ulemdasou el kmo te ungil. Ngulemuchel el melemall aikel ngii a lulemdasou el kmo ng diak el meklou a belkul el llach.

Ng mlo omelchesiu er a telkib el klengit el reng er a rengul. Eng di a delongelel me a resechelil a uaia leblisang a beches el teletael er a

beltik el reng me a ikel taem el ngii a ulemdasou el kmo ng kirel mo ouchel a rengul er a kngtil a uaia le blolak a kmal belkul. A klisichel er a telmellel a llach er a lorael mo chachisois, e sel urugulel el kirel a diak a ulebengelel telungalek a uaia le blolak.

Meng dilengchokl er medak el uaia le sal kmal ngara klengit el reng. Ng mle soal a kusebelii er a bedeklel a klengit el ngii a uaia lurrenged er ngii. Eng di a dital rael eng tuobed alsekum eng mor ngii a klaumerang er ngii er a Jesus Kristo, el meral mo obang a klengariou el reng, ouchel a rengul, meng sebechel mo beches, e mengodech, e mo mesisiich lokiu a Tngakireng er a Rubak. Ak uluchais er a klaumerang er ngak el mor ngii el kmo ng sebechel. Eng mle se- bechel, eng ding telkib el meringel er a bai di le blara klaumerang er a uchelel a klengar ngii er tial omerael el lemuut el mora Dios.

Me kede, kot el ungil ngosuterir a rengelekl a Dios sel de kot el ngosu- terir el mor ngii a klaumerang er tir er a Jesus Kristo me a mla moluut el ebangkelio er Ngii sel lemekekerei. E merekong e olngeseu el mereched el omekbeches er tial kleumerang ruchi er a riid el tuobed er a rael.

Me, kau me ngak a mad el dmuill el kirel a betook el techall el mo olngeseu er a rebekel ngelekel a Dios. A Osobel a dilung er kid el kmo ngera uchul meng mo betook a techall el dolngeseu sera losaod el kirel a omerael el mo remei er a rokui el ngelekel a Dios er a reng er a chelsel a iilkolk el klengit me a diabloug a mo remuul:

“Msiseb er a chibutek el siseball, leng meteu a siseball, e klou a rael el ngii omekrael, el mora kerrior, me te betook a mo soiseb er ngii;

“Leng melemalt a siseball, e chibutek a rael, lomekrael el mora klengar, me te mekesai a mo metik er ngii.”¹

Meng milsang a ngelsengesir a Rengelekel, ea oubeltik el reng el Chedam er a Babeluades a mla ngmai a ulekrael me a rechad el olsobel el kirir. Ngii a uldureklii a Ngelekel Sechal, el Jesus Kristo, el mo kudmeklii a selbechakl el rael el sebeched el mesang e medengeli. Ngii a mla mekedongii a profet er Ngii er chelechal taem, el President Thomas S. Monson. Meng sera lengeasek, ea President Monson a ulsisechakl er a diak di dolemolem el ngara tial rael me a dirrek el mo olsobel er tirkel mla remiid er a chelsel a klengit el reng.

A Chedam er a Babeluades a mla meskid a kakerous el teletael el mo melisiich e, usbechall, el mo omekrael er a remerael el mora selbechakl el rael. Sel kot el klou a belkul e mesisiich el ngercheled a ngara chelsel a telungalek. Tia klou a belkul ele telungalek a ngarngii a techellel er a uchelel a klengar er a ngalek el mo mesisiich el dechor er a rael el mo remei. Rechedam me a rechedil, rodam, rodos, remechas me a rubak, reanti me reangko, a lmuut el kmal klou a klisichir el omekrael e olsobel loki u a beltik el reng el ngii a kmal meral teletelel a telungalek.

A telungalek a ngarngii a rellii er a ikel kot el eai el rak er a klengar er a

ngalek. Chelsel aikaikid el okedeldaol el rak, e okiu a Tngakireng er a Jesus Kristo a uchul, ea diabloug a diak el sebechel loba okrokr el iilkolk el tomer er a rael el mo remei. Chelsel aikaikid el meklou a belkul el rak, ea Rubak a ngosuterir a retelungalek loki u okedong el mora roureor er a Primary el mo olngeseu el melisiich er a rengalek er a chedaol el tekoi. Ng dirrek el mla omeke-dong er a roba Priesthood er a Aaron el mo mengedmokl er a sakrament. Chelsel sel nglunguuch er a sacrament ea rengalek a rongesii a telbiil el kmo te mo obang a Chedaol Reng er a Dios alsekum ete olngesenges a llechul a Dios. A ngalek a mo mesisiich el odngakl a ongetikaik sel lemei ea, tara taem, eng mo sebecherir el mo olsobel er a rebebil.

Betok el bisop er a Ikelesia a omeke-dong er tirkel kot el mesisiich el chad er a chelsel a ward el mo mesiou er a destang el ngalek er a chelsel a Primary. Te medengei el kmo alsekum a rengalek a mo mesisiich, loba olchotel a klaumerang, eng, diak el sal mo ousbech er a rechad el mo olsobel er tir sel bol meklou. Te medengei el kmo a mesisiich el dodai a sebechel kmal klou a le rellii er a chelsel a klengar el rokir.

Kid el rokui el sebeched el olngeseu, rechedam el rubak, me a derstang el chad el medengeli a ngalek meng sebecherir el olngeseu. Ng diak el belkul a kmo ng kmal kirel ngarngii a okedong el mor tir er a chelsel a Primary. Malechub el telutk loki u a rekil a chad. A tara redil, er a ledirk ngeasek, eng mlara board er a

Primary el tara ulengeseu el kudmeklii a kerbai er a CTR.

Ng dimlak el bol mesaik el mesiou er a rengalek. Ngullisechakl er a Primary er a ward el lebla er ngii, el kmal di mle ngii el mol muut er a loketiu a rekil. A remekekerei el ngalek a mlo melchesuar a beltikl a rengul el mor tir. Te milsang okesiu el mlar ngii. Te silubii er ngii a beot el osisechakl er a ebangkelio er a Jesus Kristo. Ea kot el ngaruche, el okesiu er ngii a uchul, te milsuub el mo omelchesiu e mo medengeli a Chedaol Reng. Me sera bo lolchesuar Chedaol Reng ete mlo omuchel el mor ngii sel klaumerang er tir el lousbech er ngii el loldngakl a ongetikaik. Te locha diak el sal mo ousbech er a rechad el mo olsobel er tir e bai mo kldmokl el mo olsobel er a rebebil.

Ak silubii a klisichel a beot el klaumerang er a nglunguuch me a Chedaol Reng er a taem el mekekerei a reengelekam. A klou el ngelekam el sechal a dirkak el metecholb. A rechad er a bliil, sensei er a Primary me a roungerachel er a priesthood a mla melasm el olngeseu er ngii el mo melchesuar e medengeli a Chedaol Reng e dirrek elmo medengei el kmo ng mekerang a lengai a ngesou er Ngii.

A tal suelb, ea bechik a ngiluu el mora bliil a tal redil el olisechakl er ngii el mengui. A telbiil a mle kirek el mo nguu ruiur er a bok merek el oureor.

A omesubel a mle mereched el mo merek er sel ki mulemdaou er ngii. Ng mle medengeli er a rengul el kmo ng medengeli a rael el mo

remei. Meng milrael. A uriur eng dilul kmo ngungil a rengul kirel tial teletael el di ngii el tang el merael. Tia er a le rolii a locha tal mael, eng milkelkang. Eng mocha medengei el kmo ng kmal dirk cheroid er a blai.

Ng mle medengei el kmo a keredel otelel aikal mlai el chengelakel er ngii a uaia rellii el mo mekngit osengel el iuechel a medal a uchul. Ng mocha omelchesiu er ngii el uaia lekekerei el ngalek, el diak lengii ngkel klou el buik er a le kot el omuchel er tial omerael el mor mei el di ngii el tang. Ng mocha medengei el kmo ngousbech a ngesou. A kmong ngerang a mle soiseb er a uldesuel. Ng mle medengei el kmo ng kirel meluluuch. Meng toucheklang el bedul a delul a kerrekar el diak el sal ungil mes er tial milkolk. Ng miltik er a basio el sebechel el mo outubaruch er ngii.

Me ngara delul a kerrekar, e rongsterir a rechad el mengerodech el merael bedul ngii. Terul chad a rirengeii el mangel. Tia er a lebochang, ete uleker ngii, “Ng sebecchemam el ngosukau?” Meng dilmangel e dula el kmo ng mla remiid e soal mo remei. Te uleker ngii el kmo ng medengeliu a dengua er a blil malechub a address. Ng dimlak lodengei. Te uleker el kmo ng medengeliu a ngklel. Te ngiluu el mora blirir el di kmeed. Te miltik er a ngklam er a chelsel a babier er a dengua.

Tia er a knguu a dengua, eak di mle mereched el mora siik, el dmeu a renguk el kmo a rungil a rengrir el chad a ngara rolel el mo remei. Eak melelem el dmeu a renguk el

kmo ng mla mosisechakl el kirel a nglunguuch lobang a klaumerang ea ngesou a mei sel sekum eng mla remiid. Seikid el klaumerang a ngiluu el mora selbechakl el rael me a rechad el mlo osebelii el ngii a betok el taem el chachisois el diak el sebechel mochur.

A Rubak a mla kudmeklii a teletael er a olsobel me a remosobel er a chelsel a Rengedel. Me ngokiu a Llemesel, ea Rubak a mla ochotii er a Remesiungel el mo kudmokl a bebil er a mesisiich el teletael el melisiich er kid, e omekedong er a re kot el ungil losiik, sel dora el mo meklou.

Kemiu a medengei a teblong el mesisiich el prokuram el bla le kedmokl a Rubak. A chimong, a mora Young Women el okedongall el Personal Progress. Ea chimong, a mora robang a Priesthood er a Aaron, el okedongall el “Duty to God.” Aki mengelechel er tial merael mei el telcheroll er a rengeasek el mo mesang sel techellir el mekdebechii a chedaol mesisiich el klengar. Ea ki olengit er tirkel omekereu er tirkal ngeasek el chad el mo meruul aikel ngii a soal a Rubak el mo ngosuterir. Ele a lsekum a Ikelesia er a ngarmedad a ultuil er tir, eng kired el rokui el mo omekereu.

Aikal teblong el prokuram a mla mukbeches eng di a moktek er ngii a dirkak el mengodech. A President Monson a dulii er tiakid el teletael: ng kired el “esuub aikel kired el mesuub, meruul aikel kired el meruul, e mor sel ngii a kired el mor ngii.”²²

Sel babier er a *Personal Progress* el mora rengeasek el dil a meketeklii

a moktek el mor tir: “Sel prokuram er a Personal Progress a ousbech aikel eai el teletael er a Young Women el ngosukau el mo mui el medengei el kmo kau ke techang, ngera me ke ngara tiang el beluulechad, e ngerang a kirem el meruul kau el ngelekel a Dios el kudmeklau el kirel sel sils el bora templo el mo meruul a chedaol telbiil.”

Ng kmul kmo a rengeasek el dil a mo “meruul a telbiil, e oltirakl, e ouchais a teletael el mora chedam me a chedil malechub a chad el oungerachel.” Ng dirrek el tibir el kmo, “A teletael el mkedmeklii sel moureor er a Personal Progress—el uaia nglunguuch, omengiu el chedaol llechukl, omesiou, me a omeluches el journal—a mo kse er kau er a bekel sils. Aikal kse a mo smisichii a klaumerang er kau e ngosukau el mesuub e merael mo ungil a klengar kau.”²³

A prokuram er a Duty to God el mora rengeasek el sechal er a Priesthood er a Aaron a bla luut el smisichii e kodebengii. Ng di chimol kekerei el babier el kirel aikel kldei el obis er a Priesthood er a Aaron. A re Young Men me tirkel oungerachel er tir a mo nguu tiaikid el babier. Ng kmal mesisiich el dongu. Ng smisichii a klaumerang er a rengeasek el sechal me a delongelir el mora Dios. Ngosuterir el mesuub e mo sorir el mengedmokl a ngerchelir er a priesthood. Ng smisichii a delongelir lobengterir a redemerir me a rederrir, me a rengara quorum, me a roungerachel er a Young Men.

Aikel teblong el prokuram a mes-
terir a klou el ngerachel a rengeasek
el chad. Ng kirir el mo mesuub e
meruul a tekoi el ngii a meringel el
mekedmokl er a ngii dil chad. Sel
kumtab er a klengeasek er ngak, eng
diak sal madk a mle meklou el ringel.
Ng mlarngii a bebil er a taem el blok
chau a meringel el teletael, eng di
ng mle derstang. Aikal prokuram a
kired el blechoel el oltirakl, el mesi-
siich a rengud, e melelem el
mesuub a chedaol tekoi me teletael
er a klengar kid.

Sel kumtab er ngii, ea tekoi er a
chelsel aikal babier a omtechei er a
klaumerang er a Rubak er chelen-
gang el telcherol me a kid el rokui el
oubeltik el reng el mor tir. Eak mla
mesang el kmo sel klaumerang a
ungil kldmokl.

Sel kuldngel ea kumes er a quo-
rum er a Priesthood er a Aaron el
ngara ungil teletelel. Ak mla mes-
terir a rengeasek el sechal el mele-
molem er a teletael er a omesuub, e
meruul aikel ngii a soal a Dios a
loruul, e tuobed el mo meruul aikel
tir a mla tuib el mo meruul, e
ouchais el mora rebibil el kmo te
milkerang e mla mengodech el kirel
chedaol tekoi. E sel kumes e kur-
renges, eng bleketakl el kmo a
rechedam, rechedil, roungerachel,
resechelei, me a retonari, a mlo
melchesuar a Chedaol Reng sel lor-
renges el kmo a Chedaol Reng a
mla remutech a rengrir tirkal
ngeasek el chad. Tirkal ngeasek el
chad a mlo melchesuar ungil a ren-
grir, me a dirrek el tirkel millasm el
olngeseu er tir.

Sel prokuram er a Young Women
a dirrek el ngarngii er a chelsel a
mesisiich el teletael lomekdubech a
klisiich er a chedaol tekoi er a ren-
grir a rengeasek el dil e meskid a
techall el mo olngeseu. A Personal
Progress a ngosuterir a re Young
Women el mo ngmai chedaol ruoll
er a templo. Te mla ngmai a ngesou
er a rechedil, rederrir el mechas me
a rebekel el melemlalt el dil el ngara
bitar tir er a chelsel a Ikelesia. Ak
mla mesang el kmo te mekerang a
rechedma me a rechedil e ngoseuir
a ngelekir el redil e kudmokl a mok-
tek er ngii me a urungulel lokiu a
klungiolel a rengrir el kirel a rokui el
ungil tekoi el loruul.

Sesei el klebesei er a memong,
eak kulemes er a chedil me a
ngelekel redil el dmak el dechor ea
ngelekel redil a nguu a ngkedel er a
kmal ungil okesiu er a kleredil. Tia
er a louchais er ngak a klou el belkul
tial teletael el mor tir, eak mlo
melchesuar a kengei me a omelisi-
ich er a Rubak el kired el rokui.

Aikel rokui el ngesou el se-
beched el mesterir tirkal ngeasek el
chad, e sel kot el klou er ngii a sel
bol lolchesuar a klaumerang er kid
er tir el kmo te ngara rael el mo re-
mei er a Dios e sebecherir el kud-
meklii. E tiang a bo dungil kudmek-
lii sel doraal lobengterir. Ele tial rael
a kedengeleng el bebil er a taem
eng chibetbad, ea lelebil er a taem
eng mo mesaul a rengrir e mesesi-
bas. Te locha dirrek el ngarngii a
taem eng mo rrau a rengrir el kirel
omerolir e mo meruul a tekoi el
ngii a diak el sal meklou a belkul.

Aikel teblong el prokuram a rullii
tiang el mo diak el sal sebechel du-
ubech ele ikaikid el prokuram a
omekrael er tirkal ngeasek el chad
el mo nguu a kldemir er a Chedaol
Reng.

Sel kot el bedochel el suobel el
debesterir tirkal ngeasek el chad a
kmo ng kmal di sebecherir el lemuut
el mora Chedam er a Babeluades
sel loltirakl er a Chedaol Reng er a
Dios. Me a, lsekum e kede mellomes,
e kede melisiich, otengii, e okesiu
er a rokui el tekoi el ngii a siotai er a
Chedaol Reng. Tirkal ngeasek el chad
sel louchais er kid aikel loruul me a
lomelchesiu e kid a kired el dirrek el
mo omelchesiu er a Chedaol Reng.
Seikid, e tir a mo omelchesiu a klun-
giolel a rengud me a klikm er kid el
kirel a kengei er a Dios. Ea lsekum
eng kired el omeklemalt, e tir a mo
melchesuar a beltkil a rengud me a
beltkil a rengul a Dios er a tekoi el
dolekoi, el diak el ngeroel me a
ultok el ngii a sebechel a diabloug el
ngoiteterir el mengal mora cheroid.

Sel okesiu el tir a ousbech er ngii
er kid a mo meruul aikel kirir el
meruul. Ng kired el meluluuch el
kirel a sengk er a Chedaol Reng. Ng
kired el melbedebek a chedaol
llechukl me a tekingir a rengar el
profet. Ng kired el meruul a tekoi el
diak dil urunguled ng bai telbiil. E
kired el oltirakl a telbieled el mora
Dios. E kired el ngosuterir a rebibil
el ouchais er tir el kirel a Tngakireng
el ngii a bla denguu el mei er a klen-
gar kid.

E kired el ochotii okesiu er
a klengar kid el ngii a mesisiich

e melelem el Rubak a mengerechir er ngii er tir. Sel bo deuaisei, e kede mo ngosuterir el melchesuar Chedaol Reng el kmo sel lolemolem ete mo remenges a tekingel a oubeltik el reng el Osobel me a Chedam er a Babeluades. "...Ngungiang, kau el blak a rengum el mesiungek: ke mla blak a rengum er a sesei el tekoi, me ak rullau el mo mesisiich er a betook el tekoi: bem siseb er a deurreng er a rubak."⁴ E kid el

ngilsuterir a mo dmeu a rengud el remenges aikal tekoi.

A kuuchais el kmo a Rubak a betik a rengul er kemiu me a rebekel el ngelekel a Dios. Tiang a rengedel el mla moluut el lolab a kis er a priesthood lokiu a Profet Joseph Smith. A Thomas S. Monson a profet er a Rubak er chelechal sils. Ak tibir el mora derstang er kemiu, sel moltirakl a chedaol ulekrael er tial, merang el Ikelesia er a Jesus Kristo ea rengeleked el ngeasek me

kid el olngeseu e oubeltik el reng el mor tir a mo ngara selbechakl el teletael el lemuut el mo remei er a Chedam er a Babeluades me a Osobel el mo kiei er a chelsel a telungalek me a deurreng el mora diak a ulebengelel. El ngara ngklel a Jesus Kristo, amen.

ULEKLATK

1. 3 Nephi 14:13–14.
2. Thomas S. Monson, "To Learn, to Do, to Be," *Liabona*, Nov. 2008, 67.
3. *Young Women Personal Progress* (babier, 2009), 6.
4. Mateus 25:21.